

Na osnovu člana 16.stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10 i 3/23), a u skladu sa članom 52. i 35. stav (1) Zakona o izvršavanju Budžeta Zeničko-dobojskog kantona za 2026.godinu („Službene novine Zeničko-dobojskog kantona“, broj 24/25, 5/26 ) i Odlukom o preraspodjeli sredstava u Budžetu Zeničko-dobojskog kantona za 2026. godinu, broj: 07-03-01-11-2005-1-1/26 od 23.02.2026. godine, na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 121. sjednici, održanoj 13.03.2026. godine, d o n o s i

## **O D L U K U**

### **o usvajanju Programa utroška namjenskih sredstava Fonda za zaštitu okoline za 2026. godinu Ministarstva za prostorno uređenje, promet i komunikacije i zaštitu okoline**

#### **Član 1.**

##### **(Predmet)**

Usvaja se Program utroška namjenskih sredstava Fonda za zaštitu okoline za 2026.godinu u razdjelu 19- Ministarstvo za prostorno uređenje, promet i komunikacije i zaštitu okoline, budžetska organizacija 01, potrošačka jedinica 0001, kolona „Izdaci iz namjenskih sredstava-izvor 30“ Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), ekonomski kod 614100 (Tekući transferi općinama iz sredstava Fonda za zaštitu okoline) u iznosu od 3.150.000,00 KM, ekonomski kod: 614500 (Subvencije privatnim preduzećima i poduzetnicima), ekonomski kod: 614100 (Transferi drugim nivoima vlasti - Troškovi finansiranja projekata Vlade iz sredstava Fonda za zaštitu okoline), 615100 (Kapitalni transferi drugim nivoima vlasti), 614300 (Tekući transferi neprofitnim organizacijama) i 613900 (Ostale ugovorene usluge) u ukupnom iznosu od 1.200.000,00 KM (slovima: jedanmiliondvijestotinehiljada konvertibilnih maraka) koji čini sastavni dio ove odluke.

#### **Član 2.**

##### **(Način realizacije namjenskih sredstava)**

Namjenska sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

#### **Član 3.**

##### **( Realizacija Odluke)**

Za realizaciju ove odluke zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svojih nadležnosti.

**Član 4.**  
**(Stupanje na snagu)**

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-19-5011/26

Datum, 13.03.2026. godine

Zenica

**PREMIJER**

*Nezir Pivić*

DOSTAVLJENO:

1x Ministarstvo za prostorno uređenje,  
promet i komunikacije i zaštitu okoline,  
1x Ministarstvo finansija,  
1x „Službene novine Zeničko-dobojskog kantona“,  
1x a/a.

# **PROGRAM UTROŠKA NAMJENSKIH SREDSTAVA FONDA ZA ZAŠTITU OKOLINE ZA 2026.godinu**

## **Član 1.**

### **(Svrha Programa)**

Svrha ovog Programa je da se odobrena namjenska sredstva iz Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), sa razdjela 19 - Ministarstvo za prostorno uređenje, promet i komunikacije i zaštitu okoline, budžetska organizacija 01, potrošačka jedinica 0001, kolona „Izdaci iz namjenskih sredstava-izvor 30“ u skladu sa Odlukom o preraspodjeli sredstava u Budžetu Zeničko-dobojskog kantona za 2026. godinu, broj: 07-03-01-11-2005-1-1/26 od 23.02.2026.godine, ekonomski kod 614100 (Tekući transferi općinama iz sredstava Fonda za zaštitu okoline) u iznosu od 3.150.000,00 KM (slovima: trimilionastotinpedesethiljadakonvertibilnihmaraka) ekonomski kod: 614100 (Transferi drugim nivoima vlasti - Troškovi finansiranja projekata Vlade iz sredstava Fonda za zaštitu okoline) u iznosu od 250.000,00 KM (slovima: dvijestotinepedesethiljadakonvertibilnihmaraka), 615100 (Kapitalni transferi drugim nivoima vlasti) u iznosu od 620.000,00 KM (slovima: šeststotinadvadesethiljadakonvertibilnihmaraka), 614300 (Tekući transferi neprofitnim organizacijama) u iznosu od 150.000,00 KM (slovima: stopedesethiljadakonvertibilnihmaraka), 614500 (Subvencije privatnim preduzećima i poduzetnicima) u iznosu od 150.000,00 KM (slovima: stopedesethiljadakonvertibilnihmaraka) i 613900 (Ostale ugovorene usluge) u iznosu od 30.000,00 KM (slovima: tridesethiljadakonvertibilnihmaraka), koriste za finansiranje projekata iz oblasti zaštite okoliša na području Zeničko-dobojskog kantona. Sredstva pristigla iz Fonda za zaštitu okoliša Federacije BiH u Budžet Zeničko-dobojskog kantona raspoređuju se u skladu sa Odlukom o načinu raspodjele sredstava Fonda za zaštitu okoline („Službene novine Zeničko-dobojskog kantona“, broj: 18/12 i 1/15) na način da se sredstva u iznosu od 70% u odnosu na budžetski priliv doznačavaju općinama/gradovima (osnova za obračun su ukupno prikupljena sredstva sa područja svake općine/grada), a 30% su pripadajuća sredstva Vlade Zeničko-dobojskog kantona. Sredstva su strogo namjenska i troše se isključivo za projekte iz oblasti zaštite okoliša.

## **Član 2.**

### **(Visina sredstava)**

Visina namjenskih sredstava utvrđenih ovim programom iznosi 4.350.000,00 KM (slovima: četirimilionatristotinepedesethiljadakonvertibilnihmaraka).

## **Član 3.**

### **(Izvor sredstava)**

Izvor sredstava: Budžet Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), razdjel 19 – Ministarstvo za prostorno uređenje, promet i komunikacije i zaštitu okoline, budžetska organizacija 01, potrošačka jedinica 0001, kolona „Izdaci iz namjenskih sredstava-izvor 30“ u skladu sa Odlukom o preraspodjeli sredstava u Budžetu Zeničko-dobojskog kantona za 2026. godinu, broj: 07-03-01-11-2005-1-1/26 od 23.02.2026.godine, ekonomski kod 614100 (Tekući transferi općinama iz sredstava Fonda za zaštitu okoline) u iznosu od 3.150.000,00 KM, ekonomski kod: 614500 (Subvencije privatnim preduzećima i poduzetnicima), ekonomski kod: 614100 (Transferi drugim nivoima vlasti-Troškovi finansiranja projekata Vlade iz

sredstava Fonda za zaštitu okoline), 615100 (Kapitalni transferi drugim nivoima vlasti), 614300 (Tekući transferi neprofitnim organizacijama) i 613900 (Ostale ugovorene usluge) u ukupnom iznosu od 1.200.000,00 KM (slovima: jedanmilijondvjestotinehiljada konvertibilnih maraka), subanalitika JAD101.

#### **Član 4.**

##### **(Korisnici sredstava)**

Korisnici sredstava: Korisnici sredstava koja se dodjeljuju putem javnog poziva i transfera su: općine/gradovi Zeničko-dobojskog kantona, komunalna preduzeća, privatna preduzeća i poduzetnici (sakupljači i recikleri posebne kategorije otpada), neprofitne organizacije (nevladine organizacije, udruženja građana i javne ustanove).

#### **Član 5.**

##### **(Kriteriji raspodjele)**

Kriteriji raspodjele: Kriteriji za raspodjelu sredstava Fonda za zaštitu okoline sadržani su u Odluci o načinu raspodjele sredstava Fonda za zaštitu okoline („Službene novine Zeničko-dobojskog kantona“ broj:18/12, 1/15), Federalnoj strategiji zaštite okoliša 2022.-2032. godina, Planu upravljanja otpadom Zeničko-dobojskog kantona 2009-2029. godina, Strategiji razvoja Zeničko-dobojskog kantona za period 2021.-2027. godina, Uredbi o načinu raspodjele i ulaganja prikupljenih naknada za posebne kategorije otpada i uslovima za dodjelu poticajnih sredstava. („Službene novine Federacije BiH“, broj: 59/21), Pravilniku o postupku provođenja programa poticaja za aktivnosti sakupljanja i reciklaže posebne kategorije otpada („Službene novine Federacije BiH“, broj: 83/23) i Instrukcijama o utvrđivanju uvjeta, kriterija i postupaka za raspodjelu namjenskih sredstava zaštite okoliša.

Sredstva utvrđena na budžetskoj poziciji Ugovorene usluge troše se u skladu sa Zakonom o javnim nabavkama.

#### **Član 6.**

##### **(Distribucija sredstava)**

Distribucija sredstava iz člana 2. ovog programa vršit će se u skladu sa: Odlukom o načinu raspodjele sredstava Fonda za zaštitu okoline („Službene novine Zeničko-dobojskog kantona“, broj:18/12 i 1/15), tako što se sredstva u iznosu od 70% u odnosu na budžetski priliv kvartalno doznačavaju općinama/gradovima Zeničko-dobojskog kantona (osnova za obračun su ukupno prikupljena sredstva sa područja svake općine/grada), putem Javnih poziva i Odlukom Vlade Zeničko-dobojskog kantona. Sredstva utvrđena na budžetskoj poziciji Ugovorene usluge troše se u skladu sa Planom javnih nabavki.

#### **Član 7.**

##### **(Distribucija sredstava korisnicima)**

Za distribuciju sredstava korisnicima zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija Zeničko-dobojskog kantona, svako u okviru svoje nadležnosti.

#### **Član 8.**

##### **(Korisnici sredstava)**

Korisnici sredstava iz člana 2. ovog programa dužni su Ministarstvu za prostorno uređenje, promet i komunikacije i zaštitu okoline podnijeti izvještaj o namjenskom utrošku doznačenih sredstava.

## Član 9.

### (Izvještavanje)

Izvještavanje: O utrošku namjenskih sredstava po ovom programu, Ministarstvo za prostorno uređenje, promet i komunikacije i zaštitu okoline je dužno polugodišnje izvještavati Vladu Zeničko-dobojskog kantona.

## Član 10.

### (Naziv projekata)

### **PROGRAM UTROŠKA NAMJENSKIH SREDSTAVA FONDA ZA ZAŠTITU OKOLINE ZA 2026. godinu**

Namjenska sredstva planirana u koloni „Izdaci iz namjenskih sredstava - izvor 30“ u iznosu od 4.350.000,00 raspoređena su na sljedeći način:

Ekonomski kod	Vrsta izdatka	Iznos sredstava
614100 JAD101	Tekući transferi općinama iz sredstava Fonda za zaštitu okoline	3. 150.000,00 KM
615100 JAD101	Kapitalni transferi drugim nivoima vlasti	620.000,00 KM
614100 JAD101	Transferi drugim nivoima vlasti (Troškovi finansiranja projekata Vlade iz sredstava Fonda za zaštitu okoline)	250.000,00 KM
614300 JAD101	Tekući transferi neprofitnim organizacijama	150.000,00 KM
614500 JAD101	Subvencije privatnim preduzećima i poduzetnicima	150.000,00
613900 JAD101	Ostale ugovorene usluge	30.000,00 KM
UKUPNO		4.350.000,00 KM

1. **Namjenska sredstva za zaštitu okoline raspoređuju se, u skladu sa Odlukom o načinu raspodjele sredstava Fonda za zaštitu okoline („Službene novine Zeničko-dobojskog kantona“ broj: 18/12, 1/15) tako da se 70% sredstava u odnosu na budžetski priliv, odnosno iznos od 3.150.000,00 KM usmjerava u budžete općina/gradova - budžetska pozicija 614100 -“ Tekući transferi općinama iz sredstava Fonda za zaštitu okoline“.**

Općine/gradovi sredstva troše namjenski za planove i projekte iz oblasti zaštite okoline. Izvještaj o utrošku tih sredstava općine/gradovi na kraju godine dostavljaju Ministarstvu za prostorno uređenje, promet i komunikacije i zaštitu okoline, koje priprema Izvještaj za Vladu Zeničko-dobojskog kantona.

**Kriterij:** Kriteriji za raspodjelu sredstava općinama/gradovima Zeničko-dobojskog kantona sadržani su u Odluci o načinu raspodjele sredstava Fonda za zaštitu okoline („Službene novine Zeničko-dobojskog kantona“, broj:18/12 i 1/15), tako što se sredstva u iznosu od 70% u odnosu na budžetski priliv doznave općinama/gradovima Zeničko-dobojskog kantona, a osnova za obračun su ukupno prikupljena sredstva sa područja svake općine/grada.

**2. Budžetom utvrđena sredstva u preostalom iznosu od 1.200.000,00 KM Ministarstva za prostorno uređenje, promet i komunikacije i zaštitu okoline za 2026. godinu će se utrošiti za realizaciju sljedećih projekata:**

**2.1. Naziv projekta: Pomoć općinama/gradovima i komunalnim preduzećima Zeničko-dobojskog kantona u postupku zbrinjavanja komunalnog otpada (izgradnja novih sadržaja, rekonstrukcija postojeće infrastrukture, nabavka opreme i sl.)**

**Cilj/izlazni rezultat projekta:** U cilju realizacije Federalne strategije zaštite okoliša 2022.-2032. godina, Plana upravljanja otpadom Zeničko-dobojskog kantona, kao i Strategije razvoja Zeničko-dobojskog kantona za period 2021.-2027. godina potrebno je pružiti pomoć općinama koje odlažu ili planiraju odlaganje otpada na Regionalnu deponiju. Upravljanje komunalnim otpadom podrazumijeva uspostavu odgovarajuće infrastrukture za prikupljanje i zbrinjavanje komunalnog otpada pri deponijama i općinskim odlagalištima - izgradnju pretovarnih stanica i drugih sadržaja namijenjenih selektiranju, recikliranju komunalnog otpada i odlaganju na uređenu regionalnu deponiju, rekonstrukciju postojeće infrastrukture, nabavku opreme i sl. Program će se realizirati putem javnog poziva.

**Iznos sredstava: 370.000,00 KM - budžetska pozicija 615100 - “Kapitalni transferi drugim nivoima vlasti“.**

**Kriterij:** Sadržani su u Federalnoj strategiji zaštite okoliša 2022.-2032. godina, Planu upravljanja otpadom Zeničko-dobojskog kantona 2009-2029. godina, kao i Strategiji razvoja Zeničko-dobojskog kantona za period 2021.-2027. godina. Program će se realizirati putem javnog poziva na osnovu sljedećih kriterija:

- Pripremljenost projekta (pripremljenost tehničko-tehnološke dokumentacije, postojeće saglasnosti i dozvole, stepen pripremljenosti za početak radova, itd.).
- Usklađenost planiranih aktivnosti sa Federalnom strategijom zaštite okoliša 2022.-2032. godina, Planom upravljanja otpadom Zeničko-dobojskog kantona i Strategijom razvoja Zeničko-dobojskog kantona.
- Efekti na okoliš stanovništvo koji se postižu realizacijom predloženog projekta.
- Rok realizacije projekta
- Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Obezbeđenje sredstava od strane korisnika u odnosu na ukupno potrebnu finansijsku konstrukciju (sufinansiranje projekta).

**2.2. Naziv projekta: Sufinansiranje izgradnje prečistača procjednih voda na gradskoj deponiji komunalnog otpada „Bukva” Tešanj**

**Cilj/izlazni rezultat projekta:** U cilju realizacije Federalne strategije zaštite okoliša 2022.-2032. godina, Plana upravljanja otpadom Zeničko-dobojskog kantona 2009-2029. godina, kao i Strategije razvoja Zeničko-dobojskog kantona za period 2021.-2027. godina, te u cilju dobrog planiranja i efikasnije implementacije integralnog koncepta upravljanja otpadom, jedna od prioritetnih aktivnosti je unapređenje uslova u oblasti upravljanja otpadom na području Zeničko-dobojskog kantona. Ovim projektom će se pružiti finansijska podrška izgradnji prečištača procjednih voda na gradskoj deponiji komunalnog otpada „Bukva” Tešanj, u cilju unaprjeđenja stanja postojećih općinskih deponija u skladu sa novim federalnim konceptom odlaganja otpada. Realizacijom projekta značajno će se smanjiti negativan uticaj deponije na okoliš i vodne resurse, što potvrđuje opravdanost ulaganja i njegovu dugoročnu korist za lokalnu zajednicu i širi ekološki sistem, putem uvođenja savremenih metoda upravljanja.

Za realizaciju ovog projekta planirana su sredstava u iznosu od 250.000,00 KM, a u toku 2026. godine planirano je zaključenje Sporazuma sa Općinom Tešanj o saradnji o zajedničkom učešću u realizaciji projekta.

**Iznos sredstava: 250.000,00 KM - budžetska pozicija 615100 - “Kapitalni transferi drugim nivoima vlasti”.**

**Kriterij:** Sadržani u Akcionom planu Federalne strategije zaštite okoliša okoliša 2022.-2032. godina, Planu upravljanja otpadom Zeničko-dobojskog kantona 2009-2029. godina, kao i Strategiji razvoja Zeničko-dobojskog kantona za period 2021.-2027. godina.

Projekat je uvršten u Program javnih investicija Zeničko-dobojskog kantona, čime je potvrđen njegov strateški značaj, usklađenost s razvojnim prioritetima Kantona, kao i doprinos implementaciji integralnog koncepta upravljanja otpadom Zeničko-dobojskog kantona i Federacije BiH. Obzirom da je riječ o kapitalnom projektu od javnog interesa, za realizaciju istog planirana su sredstava u iznosu od 250.000,00 KM, koja će se realizirati putem Odluke Vlade Zeničko-dobojskog kantona.

### **2.3. Naziv projekta: Pomoć općinama/gradovima i komunalnim preduzećima Zeničko-dobojskog kantona u postupcima održavanja i sanacije postojećih općinskih odlagališta, finansiranju transportnih troškova za najudaljenije općine u odnosu na regionalnu deponiju, čišćenja obala rijeka, čišćenja i sanacije divljih deponija i sl.**

**Cilj/izlazni rezultat projekta:** U cilju realizacije Federalne strategije zaštite okoliša 2022.-2032. godina, Plana upravljanja otpadom Zeničko-dobojskog kantona, kao i Strategije razvoja Zeničko-dobojskog kantona za period 2021.-2027. godina potrebno je pružiti pomoć općinama i komunalnim preduzećima pri uspostavi održivog integralnog sistema upravljanja otpadom koji podrazumijeva planiranje ulaganja u sektor upravljanja otpadom kroz realizaciju aktivnosti koje se odnose na održavanje i sanaciju postojećih općinskih deponija, kao i sve aktivnosti vezane za čišćenje obala rijeka i čišćenje i sanaciju divljih deponija i sl.

Pomoć općinama u upravljanju komunalnim otpadom podrazumijeva i pomoć u finansiranju transportnih troškova za najudaljenije općine u odnosu na regionalnu deponiju.

Program će se realizirati putem javnog poziva.

**Iznos sredstava: 250.000,00 KM - budžetska pozicija – 614100 - “Transferi drugim nivoima vlasti (Troškovi finansiranja projekata Vlade iz sredstava Fonda za zaštitu okoline)”**

**Kriterij:** Sadržani su Federalnoj strategiji zaštite okoliša 2022.-2032. godina, Planu upravljanja otpadom Zeničko-dobojskog kantona 2009-2029. godina, kao i Strategiji razvoja Zeničko-dobojskog kantona za period 2021.-2027. godina. Program će se realizirati putem javnog poziva na osnovu sljedećih kriterija:

- Pripremljenost projekta (detaljan opis projekta po fazama kao i svih projektnih aktivnosti i dinamike realizacije)
- Usklađenost planiranih aktivnosti sa relevantnim strateškim dokumentima i prioritarnim područjima.
- Referentna lista već implementiranih sličnih projekata.
- Stepenn povoljnog uticaja na okoliš i održivost projekta ( očekivano poboljšanje kvaliteta okoliša, širi korisni uticaj projekta na okruženje i sl.).
- Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Obezbjedenje sredstava od strane korisnika u odnosu na ukupno potrebnu finansijsku konstrukciju ( sufinansiranje projekta)

#### **2.4.Naziv projekta: Podrška podizanju svijesti o okolišu**

**Cilj/izlazni rezultat projekta:** Ostvariti partnerski odnos i saradnju sa nevladinim/neprofitnim sektorom, udruženjima i javnim ustanovama uz podržavanje apliciranih projekata kojima se propagira zaštita okoliša i podizanje svijesti građana o potrebi okolišno održivog ponašanja u implementaciji niza modela za zbrinjavanje otpada, smanjivanja zagađivanja zraka, zaštiti prirode, voda i tla, a sve u cilju ostvarenja strateškog cilja 3. Poboljšati trenutno stanje okoliša, povećati energijsku efikasnost i unaprijediti javnu infrastrukturu (Mjera 3.4.2. i Strateški projekat 3.4.2.8.) utvrđenih u Strategiji razvoja Zeničko-dobojskog kantona za period 2021.-2027. godina i strateških ciljeva sadržanih u Federalnoj strategiji zaštite okoliša 2022.-2032. godina.

Ostvarenje strateškog cilja mjerit će se na osnovu rezultata kroz implementaciju projekata, i to kako slijedi:

- broj angažovanih nevladinih organizacija i udruženja;
- udio u sufinansiranju projekta;
- broj uključenih volontera u projektne aktivnosti ekoloških akcija;
- broj obuhvaćenih lokacija u smislu čišćenja i uređenja izletišta, parkova, školskih dvorišta, urbanih i kulturnih sadržaja, obala i izvorišta rijeka
- broj projekata za selektivno odlaganje otpada
- broj održanih radionica i okruglih stolova u okviru promotivnih i edukativnih aktivnosti a u cilju jačanja svijesti i ekološke kulture djece u predškolskim ustanovama, osnovnim i srednjim školama;
- revitalizacija i pošumljavanje javnih površina (broj projekata, broj sadnica, m<sup>2</sup> i sl.)
- broj općina/gradova iz ZDK na području kojih se provode aktivnosti.

**Iznos sredstava: 150.000,00 KM– budžetska pozicija – 614300 - „Tekući transferi neprofitnim organizacijama“**

**Kriterij:** Sadržani su u Federalnoj strategiji zaštite okoliša 2022.-2032. godina i Strategiji razvoja Zeničko-dobojskog kantona za period 2021.-2027. godina. Program će se realizirati putem javnog poziva na osnovu sljedećih kriterija:

- Pripremljenost projekta/detaljan opis projekta u skladu sa zahtjevanim sadržajem programa.
- Obezbjedenje sredstava od strane korisnika u odnosu na ukupno potrebnu finansijsku konstrukciju (sufinansiranje projekta)
- Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Referentna lista već implementiranih sličnih projekata.
- Rokovi za realizaciju projekta.
- Uključenje većeg broja volontera

## **2.5. Naziv projekta: Finansijska pomoć privatnim preduzećima i poduzetnicima za aktivnosti sakupljanja i reciklaže posebnih kategorija otpada**

**Cilj/izlazni rezultat projekta:** U cilju realizacije Federalne strategije zaštite okoliša 2022.-2032. godina, Plana upravljanja otpadom Zeničko-dobojskog kantona i Strategije razvoja Zeničko-dobojskog kantona za period 2021.-2027. godina, te u skladu sa Uredbom o načinu raspodjele i ulaganja prikupljenih naknada za posebne kategorije otpada i uslovima za dodjelu poticajnih sredstava. („Službene novine Federacije BiH“, broj: 59/21) potrebno je pružiti pomoć u vidu subvencije privatnim preduzećima i poduzetnicima, Navedena sredstva su planirana za projekte privatnih preduzeća za poticaje u vidu finansijske pomoći za aktivnosti sakupljanja i reciklaže posebnih kategorija otpada. Poticajna sredstva dodjeljuju se sakupljaču za količine otpadnih guma, akumulatora i baterija, ulja i vozila koje su predate obradivaču, a koje su dokazane i dokumentovane kao sakupljene i predate za prethodnu 2025. godinu. Poticajna sredstva također dodjeljuju se operatoru-obradivaču/recikleru otpada, za količine, prerađenog, recikliranog ili pripremljenog za energetska korištenje, otpada od guma, akumulatora i baterija, ulja i vozila, za prethodnu 2025. godinu.

**Iznos sredstava: 150.000,00 KM - budžetska pozicija – 614500 - „Subvencije privatnim preduzećima i poduzetnicima“:**

**Kriterij:** Sadržani su u Federalnoj strategiji zaštite okoliša 2022.-2032. godina, Planu upravljanja otpadom Zeničko-dobojskog kantona 2009-2029. godina, Uredbi o načinu raspodjele i ulaganja prikupljenih naknada za posebne kategorije otpada i uslovima za dodjelu poticajnih sredstava. („Službene novine Federacije BiH“, broj: 59/21), Uredbi o proizvodima koji poslije upotrebe postaju posebne kategorije otpada i kriterijima za obračun plaćanja naknada („Službene novine Federacije BiH“, broj: 59/21) i Pravilniku o postupku provođenja programa poticaja za aktivnosti sakupljanja i reciklaže posebnih kategorija otpada („Službene novine Federacije BiH“, broj: 83/23). Program će se realizirati putem Javnog poziva.

**Krajnji korisnici sredstava:** Poticajna sredstva dodjeljuju se sakupljaču za količine otpadnih guma, akumulatora i baterija, ulja i vozila koje su predate obradivaču, a koje su dokazane i dokumentovane kao sakupljene i predate za prethodnu 2025. godinu. Poticajna sredstva dodjeljuju se operatoru-obradivaču/recikleru otpada, za količine, prerađenog, recikliranog ili pripremljenog za energetska korištenje, otpada od guma, akumulatora i baterija, ulja i vozila, za prethodnu 2025. godinu.

## **2.6. Naziv projekta: Izdavanje časopisa o zaštiti čovjekove okoline - usluge štampanja časopisa**

**Cilj projekta :** Redovno informisanje o aktivnostima na području svih općina Zeničko-dobojskog kantona vezano za trendove u oblasti zaštite okoline, te podizanje ekološke svijesti svih slojeva stanovništva, a naročito mladih. Projekat će se realizirati kroz usluge štampanja časopisa koji će se izdavati kvartalno u toku godine.

**Iznos sredstava: iznos do 7.020,00 KM, (planirana vrijednost uključujući PDV) - budžetska pozicija - 613900 - "Ostale ugovorene usluge".**

**Kriterij:** Izbor najpovoljnije ponude izvršit će se u skladu sa Zakonom o javnim nabavkama.

## **2.7.Naziv projekta: Izdavanje časopisa o zaštiti čovjekove okoline - usluge promotivnih ekoloških aktivnosti.**

**Cilj projekta :** Redovno informisanje o aktivnostima na području svih općina Zeničko-dobojskog kantona vezano za trendove u oblasti zaštite okoline, te podizanje ekološke svijesti svih slojeva stanovništva, a naročito mladih. Projekat će se realizirati kroz usluge promotivnih ekoloških aktivnosti sadržanih u časopisu koji će se izdavati kvartalno u toku godine.

**Iznos sredstava: iznos do 4.980,00 KM, (planirana vrijednost uključujući PDV) - budžetska pozicija – 613900 - "Ostale ugovorene usluge"**

**Kriterij:** Izbor najpovoljnije ponude izvršit će se u skladu sa Zakonom o javnim nabavkama.

## **2.8.Naziv projekta: Napiši priču uradi sliku**

**Cilj projekta:** Ovaj projekat ima za cilj podizanje ekološke svijesti djece i omladine školskog uzrasta, a realizovat će se kroz izradu literarnih i likovnih radova sa tematikom zaštite okoline učenika osnovnih i srednjih škola sa područja Zeničko-dobojskog kantona. Završetak projekta će se obilježiti prigodnom manifestacijom uz dodjelu nagrada i zahvalnica.

**Iznos sredstava: iznos do 6.000,00 KM, (planirana vrijednost uključujući PDV) - budžetska pozicija - 613900 - "Ostale ugovorene usluge"**

**Kriterij:** Izbor najpovoljnije ponude izvršit će se u skladu sa Zakonom o javnim nabavkama.

## **2.9.Naziv projekta: Promotivne aktivnosti, stručna usavršavanja**

**Cilj projekta :** Organizacija seminara, okruglih stolova, radionica, propagandnih manifestacija, medijskih projekata, sufinansiranje izdavaštva itd.

**Iznos sredstava: 12.000,00 KM - budžetska pozicija - 613900- "Ostale ugovorene usluge"**

**Kriterij:** Izbor najpovoljnije ponude izvršit će se u skladu sa Zakonom o javnim nabavkama.

## **Član 11. (Rekapitulacija)**

**Rekapitulacija Budžetom utvrđenih sredstva u iznosu od 4.350.000,00 KM Ministarstva za prostorno uređenje, promet i komunikacije i zaštitu okoline za 2026. godinu:**

<b>R.br</b>	<b>NAZIV PROJEKTA</b>	<b>IZNOS SREDSTAVA (KM)</b>
1.	Sredstava opredjeljena budžetima općina/gradova Zeničko-dobojskog kantona u skladu sa Odlukom o načinu raspodjele sredstava Fonda za zaštitu okoline . <i>- budžetska pozicija 614100 - " Tekući transferi općinama iz sredstava Fonda za zaštitu okoline".</i>	<b>3.150.000,00</b>

	(navedeno u Članu 10. pod tačkom 1.)	
2.	<b>Pomoć općinama/gradovima i komunalnim preduzećima Zeničko-dobojskog kantona u postupku zbrinjavanja komunalnog otpada (izgradnja novih sadržaja, rekonstrukcija postojeće infrastrukture, nabavka opreme)</b> - <u>budžetska pozicija 615100 - "Kapitalni transferi drugim nivoima vlasti"</u> . (navedeno u Članu 10. pod tačkom 2.1.)	<b>370.000,00</b>
3.	<b>Sufinansiranje izgradnje prečistača procjednih voda na gradskoj deponiji komunalnog otpada „Bukva” Tešanj</b> - <u>budžetska pozicija 615100- "Kapitalni transferi drugim nivoima vlasti"</u> . (navedeno u Članu 10. pod tačkom 2.2.)	<b>250.000,00</b>
4.	<b>Pomoć općinama/gradovima i komunalnim preduzećima Zeničko-dobojskog kantona u postupcima održavanja i sanacije postojećih općinskih odlagališta, finansiranje transportnih troškova za najudaljenije općine u odnosu na regionalnu deponiju, čišćenja obala rijeka, čišćenja i sanacije divljih deponija i sl.</b> - <u>budžetska pozicija – 614100 - "Transferi drugim nivoima vlasti (Troškovi finansiranja projekata Vlade iz sredstava Fonda za zaštitu okoline)"</u> (navedeno u Članu 10. pod tačkom 2.3.)	<b>250.000,00</b>
5.	<b>Podrška podizanju svijesti o okolišu</b> - <u>budžetska pozicija – 614300 - „Tekući transferi neprofitnim organizacijama"</u> (navedeno u Članu 10. pod tačkom 2.4.)	<b>150.000,00</b>
6.	<b>Finansijska pomoć privatnim preduzećima i poduzetnicima za aktivnosti sakupljanja i reciklaže posebnih kategorija otpada</b> - <u>budžetska pozicija – 614500 - „Subvencije privatnim preduzećima i poduzetnicima"</u> : (navedeno u Članu 10. pod tačkom 2.5.)	<b>150.000,00</b>
7.	<b>Izdavanje časopisa o zaštiti čovjekove okoline- usluge štampanja časopisa</b> - <u>budžetska pozicija - 613900 - "Ostale ugovorene usluge"</u> (navedeno u Članu 10. pod tačkom 2.6.)	<b>7.020,00</b>
8.	<b>Izdavanje časopisa o zaštiti čovjekove okoline- usluge promotivnih aktivnosti</b> <u>budžetska pozicija - 613900 - "Ostale ugovorene usluge"</u> (navedeno u Članu 10. pod tačkom 2.7.)	<b>4.980,00</b>
9.	<b>Napiši priču uradi sliku</b> <u>budžetska pozicija - 613900 - "Ostale ugovorene usluge"</u> (navedeno u Članu 10. pod tačkom 2.8.)	<b>6.000,00</b>

10.	<b>Promotivne aktivnosti, stručna usavršavanja</b> - <i>budžetska pozicija - 613900 - "Ostale ugovorene usluge"</i> (navedeno u Članu 10. pod tačkom 2.9.)	<b>12.000,00</b>
	<b>UKUPNO</b>	<b>4.350.000,00 KM</b>

Dio namjenskih sredstava u iznosu od 300.000,00 KM opredjeljen je za nastavak implementacije Zakona o povjeravanju javnih ovlaštenja iz oblasti zaštite okoline („Službene novine Zeničko-dobojskog kantona“, broj:12/13), shodno kojem je Institut „Kemal Kapetanović“ u Zenici dužan planirati ista u okviru razdjela 22 - Ministarstva za obrazovanje, nauku, kulturu i sport, 2201 - Univerzitet u Zenici- Institut „Kemal Kapetanović“.

Broj: 02-19-5011/26

Datum, 13.03.2026. godine

Zenica

**PREMIJER**

*Nezir Pivić*

DOSTAVLJENO:

1x Ministarstvo za prostorno uređenje,  
promet i komunikacije i zaštitu okoline,

1x Ministarstvo finansija,

1x „Službene novine Zeničko-dobojskog kantona“,

1x a/a.